

四庫全書

集部

欽定四庫全書

御定歷代題畫詩類卷七十一目錄

樹石類

題李尊師松樹障子歌

唐杜甫

觀吳偃畫松

唐施肩吾

畫松

唐元稹

袁德師求畫松

唐劉商

與湛上人畫松

唐劉商

酬道芬寄畫松

唐劉商

山翁持酒相訪以畫松酬之

唐劉商

壁畫古松

唐朱灣

畫松

唐徐黃

李肱所遺畫松書兩紙得四十韻

唐李商隱

畫松

唐僧景雲

題仁上座畫松

宋黃庭堅

呂希道少卿松

宋蘇轍

許道寧松

宋王履道

次韻伯庸畫松十韻

元劉因

趙閒閒畫松和韻

元程鉅夫

羅若川畫松

元虞集

縣涯松圖

元虞集

畫松

元貢師泰

畫松

元貢師道

奉題仇工部壁間古松圖歌

元傅若金

題畫松

元傅若金

松障圖歌

元陳泰

題李遵道華頂松

元張天英

題何武子所藏簡天碧松圖

元劉永之

題梅花道人偃松

元鄭洪

松壑單條

元吳鎮

題趙學士松圖

明劉基

題趙文敏公畫松

明劉基

次韻畫松

明陶安二首

題畫松

明劉崧

題費同知松樹障子

明楊士奇

古松圖

明金幼孜

題畫松

明李進

題松

明何喬新

題劉鑑松

明陳憲章

戲題張千戶畫松

明陳憲章

題松

明丘濬

畫松

明李東陽二首

題邵容城所藏幽松圖

明李東陽

題畫松

明胡潤

畫松

明沈周

題松卷

明吳寬

張子俊畫松

明吳寬

題畫松

明杭淮

畫松卷次韻

明周用

題楊司徒古松障子

明顧璘

題羅侍御所藏周必都古松障

明顧璘

題半塘寺潤公房顧叔明所畫松壁

明孫寧

巨然松吟萬壑圖

元元好問

題洞陽徐真人萬壑松風圖

元趙孟頫

自畫萬壑松風圖

明虞堪

題丁氏松澗圖

元鄧文原

題簡生畫澗松

元虞集

題松澗圖

元陳樵

古澗長松圖

元吳鎮

題王起宗畫松巖圖

元楊載

松泉圖

元郭翼

松路山巖圖

明徐賁

題松溪圖

明吳溥

壑松圖

明李日華二首

御定歷代題畫詩類卷七十一目錄

欽定四庫全書

御定歷代題畫詩類卷七十一

樹石類

題李尊師松樹障子歌

唐杜甫

老夫清晨梳白頭玄都道士來相訪握髮

一作手

呼兒延

入戶手提新畫青松障障子松林靜杳冥憑軒忽若無

丹青陰崖却承霜雪

一作露

幹偃蓋反走虬龍形老夫平

生好奇古對此興與精靈聚已知仙客意相親更覺良工

心獨苦松下丈人巾屨同偶坐似

一作自

是高山翁悵望

聊歌紫芝曲時危慘淡來悲風

觀吳偃畫松

唐施肩吾

君有絕藝終身寶方寸巧心通萬造忽然寫出澗底松
筆下看看一枝老

畫松

唐元稹

張璪畫古松往往得神骨翠帚掃春風枯龍戛寒月流
傳畫師輩奇態盡埋沒纖枝無瀟灑頑幹空突兀乃悟

埃塵心難狀煙霄質我去浙陽山深山看真物

袁德師求畫松

并序

唐
劉商

武元衡云商酷尚山水著文之外妙極丹青好事君子或持冰素越淮湖求一松一石片雲孤鶴獲者寶之雖楚璧南金不之過也故集中求畫之詩為多

柏偃松敝勢自分森梢古意出浮雲如今眼暗畫不得
舊有三株持贈君

與湛上人畫松

唐
劉商

水墨乍成巖下樹，摧殘半隱洞中雲。
猷公曾住天台寺，陰雨猿聲何處聞。

酬道芬寄畫松

唐劉商

聞道鉛華學沈寧，寒枝浙瀝葉青青。
一株將比囊中樹，若箇年多有茯苓。

山翁持酒相訪以畫松酬之

唐劉商

白社風霜驚暮年，銅瓶桑落慰秋天。
憐君意厚留新畫，不著松枝當酒錢。

壁畫古松

唐
朱灣

石上盤古根，謂言天生朽。安知草木性，變在畫師手。
陰深方丈間，真趣幽且閒。木文離披勢，搓捽中裂空。
心火燒出埽，成三寸五寸枝。便作千年萬年物，莓苔濃淡意
不同。一半死皮藏蠹蟲，風霜未必來到此。氣色杳似寒
山中，孤標可翫不可取。能使支公道場古。

畫松

唐
徐黃

澗底陰森驗筆精，筆間開展覺神清。曾當月照還無影。

若許風吹合有聲枝偃只應玄鶴識根深宜與茯苓生
天台道士頻來見說似株株倚赤城

李肱所遺畫松書兩紙得四十韻

唐

李商隱

萬草已涼露開圖披古松青山徧滄海此樹生何峰孤
根邈無倚直立撐鴻濛端如君子身挺如壯士冒膠枝
勢夭矯忽欲蟠挐空又如驚螭走默與奔雲逢孫枝摧
細葉旖旎孤萼茸鄒顛萼髮軟麗姬眉黛濃視久眩目
睛倏忽變輝容竦削正稠直婀娜旋敷

一作數

峯又如洞

房冷翠被張穹籠亦若暨蘿女平旦妝顏容細疑襲氣

母猛若爭神功燕雀固寂寂霧露常衝衝香蘭媿傷暮

碧竹慙空中可集呈瑞鳳堪藏行雨龍淮山桂偃蹇

蜀郡桑重童枝條

一作修

亮杪脆靈氣何由同昔聞咸陽

帝近說稽山儂或著仙

一作佳

人號或以大夫封終南與

清

一作青

都煙雨遙相通安知夜夜意不起西南風美人

昔清興重之猶月鐘寶笥十八九香緹千萬重一旦鬼

瞰室稠疊張纒量赤羽中要害是非皆匆匆生如碧海

月死踐霜郊蓬平生握中玩散失隨奴僮我聞照妖鏡
及與神劒鋒寓身會有地不為凡物蒙伊人秉茲圖顧
盼擇所從而我何為者開懷捧靈蹤報以漆鳴瑟懸之
真珠櫳是時方暑夏座內若嚴冬憶昔謝四騎學仙玉
陽東千株盡若此路入瓊瑤宮口詠玄雲歌手把金芙
蓉濃藹深霓袖色映琅玕中悲哉墮世網去之若遺弓
形魄天壇上海日高瞳瞳終騎紫鸞歸持寄扶桑翁

畫松

唐
僧景雲

畫松一似真松樹且待尋思記得無曾在天台山上見
石橋南畔第三株

題仁上座畫松

宋黃庭堅

偃蹇松枝隔煙雨知儂定是歲寒材百年根節要老硬
將恐崩崖倒石來

呂希道少卿松

宋蘇轍

溪回山石間蒼松立四五水深不可涉上有橫橋渡溪
外無居人盤石平可住縱橫遠山出隱見雲日莫下有

四老人對局不回顧石泉雜風松入耳如暴雨不聞世
人喧自得山中趣何人昔相遇圖畫入紈素塵埃依古
壁永日奉樽俎隱居畏人知好事竟相誤我來再三嘆
空有飛鴻慕逝將從之遊不惜爛樵斧

許道寧松

宋 王履道

玉骨嶙峋雪作頂清溪下舞蛟龍影忽驚發地扶屋極
誰向天公乞刀尺道人逸氣天雲高韋偃畢宏皆坐起
奔崖斷壑得睥睨悲風激激星勞勞胡為乎挂卿高堂

之素壁許侯筆與萬牛敵坐來一氣回霜秋四顧滿堂
皆古色老夫卜築寄雲松屢揖伯鸞攜敬通忽見婆娑
眼中物使我嚙句生天風千章奇林卧澗底公獨區區
悅其偽我知金石貫冰霜便與髯卿同一味君不見丹
霞大士燒木佛此老胸中果何物

次韻伯庸畫松十韻

元劉因

妙思通靈素玄陰接帝青抗顏躬蹇蹇蒙頂髮星星颯
爽龍羞蓐蕭疎鶴鍊形壁虛生地籟斗近界天經蝶夢

春濤湧蟲疑曉日冥雲生停竿候風入倚窗聽屈曲車
連軫騰拏簷列庭戀鄉思海岱封爵鄙云亭月落孫生
嘯天寒屈子醒雄姿輕虎豹浮蹟陋鷗鵲

趙閒閒畫松和韻

元程鉅夫

辭華推哲匠才大古云難如許明堂具偏宜畫裏看

羅若川畫松

元虞集

暮春多雨晝冥冥羅生畫松當素屏老蛟化為劍氣黑
白鶴下啄苔痕青傳來日暮自篝火夢入幽巖尋茯苓

不遇胡僧露雙腳石函自了讀殘經

縣厓松圖

元 吳 鎮

偃蹇支離不耐秋搖風灑雨幾時休轉身便是青山頂
又有懸厓在上頭

畫松

元 貢師泰

蒼龍蛻骨東海上太陰黯淡垂高空六丁驅起夜行雨
萬里不斷蓬萊風

畫松

元 吳師道

風霜不改色水石波為鄰祇合空山老豈知人世春

奉題仇工部壁間古松圖歌

元 傅若金

蒼松在山自奇古灌木翳之人不驚忽然圖向堂上壁
滿坐嘆息長風生柯柯崛走森晝晦其下將疑鬼神會
霧雨寒霏虎豹毛雷霆怒拆蛟鼉背乃知巨筆老且神
力幹造化雄千鈞皇天不天棟梁具后土潛回霜雪春
爾松已為人愛惜見爾為爾生顏色山中豈無材木倚
絕壁未逢匠石嗟何益

題畫松

元 傅若金

遙憶商顏松色青
女蘿枝上醉眠醒
自從四皓安劉後
歲莫何人采茯苓

松障圖歌

元 陳泰

何人獨立身堂堂
十八公子鬢髯蒼
凝冰不遣勢摧折
清籟時與髯低昂
蘭為兄兮雪為友
燕坐松間自呼酒
眼花耳熱鱗鬣生
千尺龍蛇入揮手
手中松月自離筆
已見雲煙生翁鬢
儻非白晝堂宇空
真恐幽陰鬼神出

平生始識顏平原
艱苦絕勝甜中邊
世間畫史千金價
惜哉此松不多畫

題李遵道華頂松

元張天英

蒼髯鐵爪欲飛揚
肯與人家作棟梁
記得石橋明月夜
一溪龍影茯苓香

題何武子所藏簡天碧松圖

元劉永之

蒼松偃蹇如短虬
垂肘近人寒不收
悲風蕭蕭生晝晦
古鬣墜水令人愁
錦韉騎馬山陰道
石黛空青拂衣好

萬里江湖隔舊游
坐觀圖畫空山老

題梅花道人偃松

元鄭洪

墨池帽脫管城子
壁府罄折徂徠公
玉關金鎖製玄豹
銅臺瑤柱蟠蒼龍
星霜鬢眉遽如許
鐵石肝膽將誰同
大夫受命當偃僂
天子法駕行東封

松窩單條

元吳鎮

蚪枝鐵幹撐青空
飛泉絕壁鳴琤琮
幽人洗耳坐其下
風來謾謾如笙鏞

題趙學士松圖

明劉基

趙公拈筆作古松平地躍出三青龍蜿蜒不上霄漢去
夾颯長留煙雨濃前朝美人鬪草處猶有當時數株樹
江亭六月涼如秋應與此圖相對愁

題趙文敏公畫松

明劉基

吳興昔王孫能畫世莫及觀其二松圖矯若龍出蟄蟠
根破坤輿拔萃滙原隰交加各軒翥巖劣相倚立鼉鱗
撐空青豕鬣振颯颯高藏日月氣清滴雲霧汁垂釣者

何人短棹非妄集五湖多風濤蛟蜃頭角輯不如洿澤
間取足鱖與鰠倦眠松影下百竅清凉入慎勿驚松枝
天寒衣袂濕

次韻畫松

二首

明陶安

鐵榦宛如韋偃筆誤令工匠施刀尺陰森黛色千古深
髣髴霜痕半天濕猿鶴清音恍在庭龍虎白骨堅如石
從知能事不易成畫水猶云日踰十

蒼標當入凌煙筆相去青天不盈尺獨持勁節冬雪寒

長帶恩光朝露濕迴枝忽變老蛟形託根不向懸崖石
按圖必求如此材待構明堂價增十

題畫松

明 劉 崧

巫峽荆門不可尋坐憐孤嶂動雲林夜寒或與蛟龍鬪
秋暝應聞虎豹吟千歲茯苓山下老一時絲蔓雨中深
野橋寂寞雲根冷最憶停驂弄晚陰

題費同知松樹幃子

明 楊士奇

當代畫松誰最精王紱卓迪俱馳聲兩生以來鮮繼者

鳳池周濬新得名此圖筆有千鈞力全幅剡藤間潑墨
雙株奮起如雙虯直氣森森勢千尺樛枝屈鐵蟠穹蒼
勁節磊砢鱗甲張長風颯颯動滿座六月清晝高堂涼古
安別駕好奇古對此宛然巖巖趣茯苓琥珀焉足奇堅
操終懷共遲暮別駕別駕臨安彥浙東山東宦游徧四
明徂徠千歲植所歷山林屢嘗見大材之成由化工自
古匠輪希得逢明堂清廟選梁柱何限空老深山中

古松圖

明
金幼孜

十畝繁陰欲破空當時曾受大夫封
廟廊正爾需梁棟
未許終容大壑中

題畫松

明
李進

君不見靈隱山前小朶峰入山九里皆青松
怒濤翻空捲江海高枝挂石蟠虬龍
西湖三月春意濃錦囊駿馬呼奚童
清陰夾道生爽氣金粉撲面香濛濛
兩年不踏湖頭路轉眼春來又春暮
畫中忽見一株松髣髴山前幽絕處
幽絕之處多仙靈吾獨何為縛塵纓
寄謝仙靈

許同隱準擬長鑱尋茯苓

題松

明
何喬新

虬枝夭矯翠參天
雨幹霜皮老更堅
橡櫨年來收拾盡
豈知梁棟在山巔

題劉鑑松

明
陳憲章

劉生於寫松能以酒力遣酩酊
氣正豪蒼龍自舒卷

戲題張千戶畫松

明
陳憲章

張侯畫松人不識
松不畫橫惟畫直
上干青霄下盤石

倒卷蒼龍二千尺神物安可留屋壁變化虛空了無迹
不然恐遭雷斧劈左手執弓右持戟取勝無過萬人敵
侯莫畫松費筆力

題松

明丘濬

蒼龍拏雲欲上天鱗甲飛動頭嶄然碧風吹海翠濤湧
笙簫一派空中懸深山大河無人到琥珀埋光免絲槁
家家束葦作屋楹未必長林此中老

畫松

為卜刑部
從大題

明李東陽

玄雲匝地黯無輝
老榦盤空勢不歸
疑是葉家堂上見
夜深風雨墨龍飛

畫松

為顧良弼
主事題

明

李東陽

畫松不必真似松
風骨略與畫馬同
畢宏曹霸兩奇絕
妙意止在阿堵中
君家素壁光如雪
上有叫枝老垂鐵
晚歲長同怪石寒
炎天恥受高雲熱
江翻樹轉爭喧阗
十步九戰何時開
陰房半扃山鬼嘯
海水不斷天風來
城南野人頗醇古
坐愛涼秋滿虛宇
安得移來十丈青

高價如山棄如土知君此興迴莫攀謂予苦絆風塵間
攜琴載鶴招使去我家自有徂徠山

題邵容城所藏幽松圖

明 李東陽

種松谿邊長十丈高雲對屋圍青障中有幽人愛讀書
苧袍紗帽秋蕭爽青苔白石坐移時衡門晏起獨開遲
山中繁實雨初落水面垂蘿風倒吹十年南北江湖夢
野樹孤雲遞迎送此地材同新甫良居官多比藍田重
酌君美酒聽我歌東園桃花能幾何丈夫功業在晚節

君今尚壯非蹉跎

題畫松

明胡潤

幽人無俗懷寫此蒼龍骨九天風雨來飛騰作神物

畫松

明沈周

老夫慣與松傳神夾山倚礪將逼真青雲輒天見高蓋
蒼鱗裊煙呈古身我亦不知松在紙松亦不知我戲耳
吹燈照影蛟起舞直欲排空掉長尾待松十丈歲須千
老夫何壽與作緣不如筆裁墨培出一笑何問人間大

小年

題松卷

明沈周

寸莛悠悠至千丈歲月之後乃可望老夫一日春雨中
手緩心閒筆初放徂徠合抱三百株生捉龍蛇眠紙上
培之以墨土何功根葉不驚神亦王傍人爲我奪造化
畢宏韋偃仍相誑一舒一卷風雨生滿堂錯愕空相向
還疑秋子打牕扉亦覺春花撲屏幃久無采錄我何嗔
自倚胸中意爲匠

張子俊畫松

明
吳寬

案頭佳楮不盈尺上有千丈之長松非關月落影如許
連蜷欲起舞蛟龍我方隱几當清晝彷彿徂徠見深秀
空堂颯颯風聲寒滿把稜稜霜骨瘦昔聞張卿人品高
王芾與之稱二豪鳳池揮灑出天趣往往筆底翻波濤
杜陵詩翁去我遠愧此畢宏與韋偃故園舊種陰已成
獨客燕山歲華晚

題畫松

明
杭淮

登堂忽訝生煙雲錯落長松偃東壁老幹半作叫龍形
枝葉長留歲寒色古來畫者有韋偃近時廷章亦可師
但留一榦在人世已覺澗壑無餘姿更添白石相撐倚
日照蒼苔淨泥滓摩娑不覺毛髮寒五月高堂朔風起

畫松卷次韻

明周用

舊時吾鄉石田丈文彩風流屬人望畫松不獨能擅場
寸莖之作兼豪放梓堂石田善摹搨輞川未必居其上
何哉畫史亟畫松太昊初以木德王毫端咄咄皆逼人

百金一筆那相誑密雲不見羣龍首淵躍天飛惟所向
凍雷夜半驚霹靂珍重十幅生絲障誰將獻卜構明堂
操斧按圖煩大匠

題楊司徒古松障子

明顧璘

昨從山中還草堂入門雲霧迷日光問之驚怪胡致此
司徒畫障懸東牆幾株古樹形突兀老龍怒立當我屋
泰山東巖五大夫參天氣勢無卷曲雪柯霜榦當夏清
耳邊謖謖風濤聲儼然丘壑在左右始信妙畫通神明

司徒應詔天上來捲簾清畫坐高齋不須把玩山林趣
正爾相資梁棟材

題羅侍御所藏周必都古松障

明

顧璘

昔年我登柱史堂古松畫障何昂藏
樛枝崢嶸豸角勁霜皮錯落龍鱗蒼
不知墨榦凡幾尺氣勢直欲凌雲長
移牀盤桓坐其下六月不熱迴清涼
畢宏韋偃骨已朽乃有周老傳
芬芳祇疑畫手太奇崛人間無此真棟梁
昨經南湘湘水曲夾道萬株俱突兀
根老居人忘歲年

陰深過客逃炎燠郡齋正當蒼翠中三歲捲簾看不足
鶴鶴秋棲不敢定猿猱夜度愁還哭有時枕書相對眠
宛在君家畫圖宿君今作牧向東魯泰山大夫更奇古
我詩恐未盡君意請君自作喬松譜

題半塘寺潤公房顧叔明所畫松壁

明孫寧

顧君叔明善寫松妙趣直與韋偃同片縑幅紙不易得
人爭一覩清雙瞳玉巖上人即粲可早躋十地成全功
禪房素壁耀霜雪繪畫未許來庸工叔明對此役意匠

捉筆跳叫聲摩空須臾貌作老蛟影毫端瞥若回腥風
隔座時疑翠濤響鈎簾日訝玄雲封宿鶴已去花落盡
庭前細雨春濛濛老夫尋幽適相過覽之便覺心神融
酒酣信手為長句醒愧浣花溪上翁

巨然松吟萬壑圖

元好問

胸中刺鯁無九澤畫裏風煙纔一漚阿師定有維摩手
斷取江山著筆頭石林蒼蒼崖寺古銀河浩浩松聲秋
方外賞音誰具眼莫將輕比李營丘

題洞陽徐真人萬壑松風圖

元趙孟頫

謾謾松下風悠悠塵外心以我清淨耳聽此太古音逍
遙萬物表不受世故侵何年從此老辟穀隱雲林

自畫萬壑松風圖

歌贈天台朱
東中梅花巢

明虞堪

天台萬八千丈山桃花久不流人間上當牛斗開天闕
仙人幾度招我窮幽攀瓊臺玉闕迴寂寞石橋且滑空
潺湲曾識高人姓朱者讀書縛屋蓬峰下一從畫得龍
馬神龜文走獻天子登天閣天子莫可官歸來老田野

最喜兩兒郎綠髮更瀟灑大者賦遠遊不肯卑微休仲
也誰與儔愛我畫滄洲聊將水墨趣寫此空巖秋鴈蕩
雲連赤城暮瀟湘雨裏蒼梧愁我愛仲也琴傾耳大賞
音南風散五絃為我開煩襟棲鳥夜啼秋月墮黃鸝曉
轉春山深君不見畫中絕似琴中趣萬壑秋風滿松樹
應有梅花可結巢隨意青山看雲去

題丁氏松澗圖

元 鄧文原

天目之峰凌紫煙下周林窈紆長川清池斗絕涵倒景

神運直自疏鑿先彼美幽貞廬間房曲與辛夷荃蒼官

一作松

手植經幾年靈虬天矯今參天門前朝流暮流水

但聞激石瀉瀨鳴濺濺山人養真衡茅下有書可讀琴

可絃意行清澗曲長歎松風前山

一作溪

月出林高溪花

弄春妍仙人歌

一作欲

來夜將半天空鶴唳山淒然飈塵

大笑狂馳子口誦丹訣傳真玄我欲從之結鄰屋得疏

藥圃謀芝田

題簡生畫澗松

元

虞集

簡生與我皆蜀人留滯東南凡幾春每拂齊紈作山水
使我感慨懷峨岷如此長身雨松樹滿谷悲風散陰霧
雌雄如劍變為龍鱗鬣齊成擘崖去祕閣嘗觀韋偃圖
蒼潤雄深世所無默識形神出模畫把筆莽蒼增嗟吁
玉堂寶書本同館官府既分難復見摩挲新墨慰哀朽
鬢雪飄蕭數開卷昔我樵牧青城山坐起政在雙樹間
當時簡生若相見應并寫此聽潺湲劉郎集賢好賓客
好著幽牕對晴碧凌靈為我哦七言有鶴飛來破秋色

題松澗圖

元陳樵

鬱鬱澗上松磊磊澗中石石泉有餘韻松枝有餘色高
人事幽討結廬此棲息敲枕聽潺湲開軒盼空碧俯仰
欣有契足以愒昕夕我亦厭塵囂久焉慕岑寂他年儻
相過勿謂予生客

古澗長松圖

元吳鎮

長松生風吹不歇古澗出泉鳴自幽玉屑飯餘移白日
紫芝歌動振高秋

題王起宗畫松巖圖

元楊載

雲起重巖鬱凌亂長松落落樹直幹若人於此結茅屋
爽氣飄然拂霄漢艤舟之子何逍遙從者偃僂攜一瓢
山中無日不閒暇跋涉相顧凌風颺始知王宰用意高
使人觀圖鄙吝消世間未必有此景塗抹變幻憑秋毫
丹青遊戲固足樂收絕視聽搜冥莫向來為政殊不惡
乃爾胸中有丘壑

松泉圖

元郭翼

迢迢澗上松
瀲瀲松下泉
微颺散晴雪
飛琴瀉寒絃
懷哉山中人
眇予隨塵緣
九江秀可攬
山色青於蓮
浩歌招黃鵠
重賦雲巢篇

松路山巖圖

明徐貢

清溪入花源
流水春溶溶
趣深屢迴轉
溪上森羣峰
參差樓閣間
縹緲神仙蹤
閒陪羽客行
時與樵人逢
疎蘿映岸瀑
薄雲蔭巖松
孤鶴偶徘徊
衆樹恒芳濃
踐茲非徒遊
要當盡從容
因乏丹泉術
終期此相從

題松溪圖

明吳溥

溪頭流水繞光寒
溪上長松雪未乾
無事儘從閒處樂
有書時向靜中看
風迴陰壑泉聲急
月轉清牕樹影團
幾度客來門未啓
呼兒急為整衣冠

壑松圖

贈吳伯微歸歛

明李日華

手寫髯龍伴讀書
髯翁別我意踟躕
聊分幾鬣臨牕影
君到黃山有萬株

壑松圖

明李日華

已見歷落槩不妨小俯仰雲來翠色添雨壯空濤響沉
沉浸龍影颯颯凌仙掌山中絕灌溉歲月自滋長

御定歷代題畫詩類卷七十一

欽定四庫全書

御定歷代題畫詩類卷七十二目錄

樹石類

戲為韋偃雙松圖歌

唐杜甫

泉石雙松圖

元王惲

南岳李道士畫雙松圖

元宋無

鄭克剛雙松圖

元黃鎮成

韓伯清所藏子昂雙松便面

元黃玠

衍師道原雙松圖

元黃玠

題項可立雙松圖

元柳貫

題夏迪雙松圖

元王冕

題曹雲西雙松圖

元陶宗儀

巧石雙松圖

明楊基

雙松圖

明周致堯

二松圖

明張元祜

孤松圖

明貝瓊

五松圖

明廖道南

山壑萬松圖

元王惲四首

題履元陳君萬松圖

元楊維禎

萬松圖

明金幼孜二首

題盤松扇頭

元張天英

題秦中李賓谷黃門偃松圖

明董其昌

怪松

明李日華

題雲松巢圖

元陳旅

題倪幻霞雲松圖

元成廷珪

題松雲卷

明王世貞

大簡之畫松風圖

元元好問

題松雪圖

元范村

松月圖

明程敏政

招徐宗偃畫松石

唐張祐

松石曉景圖

唐陸龜蒙

觀裴秀松石障歌

唐僧皎然

依韻和原甫省中松石畫壁

宋梅堯臣

次韻劉貢甫學士畫松石圖歌

宋蘇軾

題松石圖

元黃玠

松石圖

元吳鎮

題曹雲西畫松石

元倪瓚

題松石

元丁立

題松石圖

明張以寧

題作小幅松石

明李日華

題趙子昂松石修篁圖

明貝瓊

次雲喻叔奇松竹圖

宋王十朋

題松竹桂梅

明解縉四首

席上賦老松怪柏圖

元李材

僧蓮松檜圖歌

明王逢

題楊補之松檜圖

明程敏政

題松菊

明張鳳翼

徽廟古松山鵲

明金幼孜

題趙希遠畫蟠松玉兔圖

明僧大圭

寄畫松僧

唐王建

題壽老人松年圖

元張憲

三友圖

元劉永之

歲寒圖

明解縉

歲寒三友圖

明吳寬

歲寒三友圖

明許繼

三友圖

明朱經

皇甫松竹梅圖

元張伯淳

松竹梅

明徐渭

霜林晚節圖

明周旋

乞荆浩畫

唐僧淨顯

題金陵陳時舉宅畫壁

元謝應芳

題吳祠部畫

明董其昌

御定歷代題畫詩類卷七十二目錄

欽定四庫全書

御定歷代題畫詩類卷七十二

樹石類

戲為韋偃雙松圖歌

唐
杜甫

天下幾人畫古松畢宏已老韋偃少絕筆長風起纖末
滿堂動色嗟神妙兩株慘裂苔蘚皮屈鐵交錯迴高枝
白摧朽骨龍虎死黑入太陰雷雨垂松根胡僧憩寂寞
龐眉皓首無住著偏袒右肩露雙腳葉裏松子僧前落

韋侯韋侯數相見我有一匹好東絹重之不减錦繡段
已令拂拭光凌亂請公放筆為直幹

泉石雙松圖

何直
長筆

元王惲

江煙霏霏江雨濕滿壑秋風蕩虛壁何公雖老筆有神
寫出雙松蔭泉石君看磊落橫澗枝黑入太陰凝積鐵
他時不作澗窟蚪定向風巖聞虎裂煩君十襲為深藏
隄備六丁來電掣

南岳李道士畫雙松圖

元宋無

道士醉卧天柱峰睥睨石上千年之老松松精相感入
夢寐化作蒼髯雙老龍酒腸空洞生鱗角飛出兩龍醉
不覺湏臾霹靂撼五岳豐隆縮手不敢捉神靈頃刻歸
虛無壁上但見雙松圖松耶龍耶莫能詰棟梁霖雨藏
秃筆

鄭克剛雙松圖

元黃鎮成

老榦懸霜紫翠分一山風雨半空聞攜琴欲歸苔根石
為寫秋聲寄白雲

韓伯清所藏子昂雙松便面

元黃玠

并刀剪水一尺餘，照見亭亭兩松影。
玉堂學士自寫真，令我悽然發深省。
聳壑昂霄五十年，健筆如錐有鋒穎。
蒼髯磔怒知誰嗔，老節猶將見奇挺。
直幹斜分水墨痕，樛枝亂結風霜頂。
龍鸞已化毛骨殘，雷雨欲來崖谷暝。
兔絲縣蔓待茯苓，迴首餘光惜俄頃。
會稽公子多苦心，收拾新詩題小景。

衍師道原雙松圖

元黃玠

小石如拳大如瘦石上亭亭松樹並誰從山陰得繭紙
幻落毫端寫雙影風雷太古見植立冰雪平生慣淒冷
下有茯苓千歲根可為人間駐流景

題項可立雙松圖

元柳貫

我家庭下有雙松絡石攬雲與此同閉戶時時聞落雪
援琴往往寫清風神全省識蛟龍狀墨守誰爭篆籀工
採藥天台能事在故應添著負苓翁

題夏迪雙松圖

元王冕

我昔曾上五老峰白雲盡處看青松中有兩樹如飛龍
正與夏迪畫者同夏迪畫松得松趣箇箇乃是廊廟具
貞固不特凌雪霜偃蹇猶能吐煙霧蒼髯獵獵如有聲
鐵甲半掩苔花青六月七月炎火生對此似覺形神清
丈人兀坐誠有道豈比商山采芝皓有琴有琴不須彈
而今世上知音少

題曹雲西雙松圖

元陶宗儀

泖雲西畔一詩翁畫法營丘理趣融四十年前經此地

雙松無恙草堂空

巧石雙松圖

明楊基

松蟠怪誕龍形矯石嵌玲瓏雪膚巧何事淋漓水墨圖
高堂六月秋風早秋風吹雲山脚動瀑布飛來濕瑤草
翠幹危撐日月低霜根倒插雷霆繞山中黃葉已蓋地
獨有煙蘿青裊裊夕露猶含碧海秋春霞已破丹山曉
平生愛松并愛石何異江見得蒲藻醉裏徂徠若可登
人間草木慙枯槁豫章將軍顏色好十年走馬淮陰道

索我題詩寫壯懷詩成已覺松杉老

雙松圖

明 周致堯

鑿鑿岷峨插彼蒼海波不動海天涼雙蛟化作神仙去

明月中宵劍影長

二松圖

明 張元禎

兩髯如龍入雲去白日空庭作風雨根著九地拔不起
留與乾坤作雙柱千丈兔絲千歲苓南山翠色同崢嶸
岳陽城南老髯精驂鸞追逐呂先生

孤松圖

明 貝瓊

峨眉古松寒不死曾見仙人三洗髓霜摧雨剥雷震餘
千尺老蛟鱗甲紫城南桃花千萬株亂後一株今亦無
長身獨立何偃蹇正直自是神明扶

五松圖

為劉太常
汝忠題

明 廖道南

我聞賢哉五大夫乃在泰山絕頂之東隅秦封漢禪幾
千載云胡京邸開瑤圖大夫昔隱雲門山餐精餌實栖
仙闕虬根百尺結玄窟鸞枝千仞蟠蒼顏大夫今登石

渠閣牽蘿偃蓋承天澤雲來絕嶠時從龍月上層臺夜
巢鶴吁嗟對爾長陰森深春麗景穿遙林幽枝不改歲
寒操勁節真懷太古心此時此地歌此曲維石巖巖五
株綠願引滄浪萬頃波長日虛堂媚幽獨

山窰萬松圖

四首

元王惲

髯龍落落不凡材萬窰蒼煙鬱不開絕似澗阿幽隱士
苦嫌塵土不歸來

巖風謖謖泛秋聲展放橫披眼便明酷似龍門山正北

兩崖陰合記經行

大厦欹傾要棟梁萬材於此鬱蒼蒼正須叮囑工師輩
為桷為椽細選量

構厦先論大匠賢采楹枅闌不相捐何當剪伐長材外
乞與坡仙作竈煙

題履元陳君萬松圖

元楊維禎

紫芝道人天思精南來新畫青松障東家畫水西家山
積棄陳縑忽如忘突然槎牙生肺肝元氣淋漓迫神王

亟呼圓瓦倒墨汁盡寫髯官立成仗羣爭十丈百丈身
氣敵千人萬人將交柯玉鎖混鱗甲屈鐵金繩殊骨相
石闕雷霆白日傾雨走飛龍青天上前身要是僧擇仁
五百蜿蜒見情狀天台老林亦畫松三株五株成冗長
我家東越大松岡五鬣蒼蒼鬱相望門前兩箇赤婆婆
上有玄禽語相向雕龍梓客朝取材伏虎將軍夜偷餉
安得射洪好絹百尺強令渲陰森移疊嶂鼓以軒轅之
琴五十絃共寫江聲入悲壯

萬松圖

二首題寄
幼學賢弟

明
金幼孜

一別鄉園廿四春種來松樹已成村
寄言孫子須培植
剪伐無令及本根

種得長松萬箇多連山數里暗煙蘿
何時投老歸鄉曲
分我寒巖翠一坡

題盤松扇頭

元
張天英

曾障西風庾亮塵支撐眼底妙輪囷
屈將千丈虬龍質
一握生綃敢望伸

題秦中李筓谷黃門偃松圖

明董其昌

當年高隱傲千峰，搜得峨眉偃蓋松。
出壑蒼龍呈怪狀，游空雲鶴見遺蹤。
居然玉局銘三植，不向金泥羨五封。
顧我亦銜風木恨，并刀一為剪吳淞。

怪松

與秦心卿

明李日華

青銅纏皮鐵勾搭，三萬年前綠一髮。
月高映我琥珀珠，鶴來踏枝踏不著。

題雲松巢圖

元陳旅

匡廬多白雲亦有松在山高樓若櫓巢乃在雲松間
茯苓生砌石雨氣通林巒遊子涉遠道夕鳥栖簷端終期
謝圭組歲晚適幽歡卧聆松風細起看川雲還

題倪幻霞雲松圖

元成廷珪

九峰只在柳雲西松下來尋隱者棲隱者不歸空見畫
滿山風雨夜猿啼

題松雲卷

贈王明府

元成廷珪

君侯燕坐琴堂上琴成雲生萬壑松松愛羊眠時借色

雲憐罨靄不辭封三江地僻催棲鳳二室天空起蟄龍
服餌異時須待汝為霖今旦莫從容

大簡之畫松風圖

為脩端卿賦

元元好問

董元老筆鬱盤盤萬壑蒼雲復此看絕似鳳凰山下路
秋風無際海波寒

題松雪圖

元范梈

傍人不識歲寒松憐殺深山大雪封待得化為東海水
青天白日睡蒼龍

松月圖

為陳高士題

明程敏政

綠釵搖影見分毫
露下空庭月正高
禮罷夜壇頻側耳
一天涼籟洗秋濤

招徐宗偃畫松石

唐張祐

咫尺雲山便出塵
我生長日自因循
憑君畫取江南勝
留向東齋伴老身

松石曉景圖

唐陸龜蒙

霜骨雲根慘澹愁
宿煙封著未全收
將歸與說文通後

寫得松江岸上秋

觀裴秀松石障歌

唐僧皎然

誰工此松唯拂墨巧思丹青管不得初寫松梢風正生
此中勢與真松爭高柯細葉動颯颯乍聽幽飈如有聲
左右雙松更奇絕龍鱗麈尾仍半折經春寒色聚不散
逼座陰陰將下雪荆門石狀凌瑣璫蹙成數片倚松根
何年舊舊苔黏跡幾夜潺潺水擊痕裴生詩家後來客
為我開圖玩書石對之自有高世心何事勞君上山屐

依韻和原甫省中松石畫壁

宋梅堯臣

山林與城闕事物不相對
唯聞東道義所處無內外
趨煩而毀靜此理乃俗輩
昔有天下賢喜得名筆會
買粉塗南牆松石生屋內
石怪如春濤松偃如起籟
畫來二十年數偶未輒愛
罕親憑素顏但覩抱牘背
雖當省闥嚴晦昧欲何賴
今逢茂陵人獨唱亦豪邁

次韻劉貢甫學士畫松石圖

宋蘇轍

長松大石生長見
竭遊塵土嗟空羨
寒翠關心失舊交

榮華過眼驚流電破繒買得古畫圖遺墨參差隨斷線
樛枝倒挂風自舞直榦孤生看面面故山舊物遠莫致
愛此隨人共流轉物生真偽竟何有適意一時寧復辨
少年所好老成癖傍人指笑嗟矜銜京城宅舍松石希
買費百金猶恐賤

題松石圖

元黃玠

毫端水墨影紙上松石神老節委地盡怪態與時新寫
物要有似開卷知其人

松石圖

元吳鎮

硯池漠漠吐墨汁蒼髯呼風山鬼泣濤聲破夢鐵骨冷
露影濡空翠毛濕徂徠千樹老雲煙湖山九里甘蕭瑟
何當閱此明牕下長對詩人弄寒碧

題曹雲西畫松石

元倪瓚

雲西老人子曹子畫手遠師韋與李衡門畫掩春長閒
搖毫動筆長風起葉藏戈法枝如籀蒼石庚庚橫玉理
庭前落月滿長松影落吳松半江水

題松石

元丁立

匡廬道士山陰住遠屋青松箇箇長溪上一番春雨過
白雲滿地茯苓香

題松石圖

明張以寧

繫松之蒼繫石之剛曷以比德維士之良有蒼者松有
剛者石繫士之良維以比德

題作小幅松石

明李日華

小暖乍得雨春松如膏沐幽蘭雪後叢隱隱動芳馥拂

拭松下石莓苔破新綠鳥雀亦未知聊以怡余獨

題趙子昂松石修篁圖

明貝瓊

白髮王孫老薊門逢人只說山中趣酒酣落筆有天機
寫作陰厓百年樹一株偃蹇龍蛇影繞屋風聲三伏冷
流脂入地成琥珀死骨經雷縮人癭森森竹石俱蒼然
一日坐我天姥前王孫跨鶴歸何年山空月明啼杜鵑

次韻喻叔奇松竹圖

宋王十朋

只應王子猷相愛未許秦皇帝可尋畫我同年作三友

歲寒節操宰官身

題松竹桂梅

四首

明解縉

石上春松百尺長
松花落澗水生香
丁寧樵斧休戕伐
當待他年作棟梁

脩篁解籜出林梢
勁節扶疎長鳳毛
傳待他年堅似玉
栽竿東海釣金鰲

桂樹團團翠欲流
靈根原自月中求
東風吹動黃金粟
散作人間富貴秋

瀟灑寒梅吐玉葩
暗香浮動老仙家
應知鼎鼎調羹味
幾向園林傲雪華

席上賦老松怪柏圖

元李材

仙人解衣礪礪羸
造化慘澹秋毫端
枝柯千尺入層漢
笙簾萬壑鳴驚湍
堂中日月不可老
壁上雷雨何當乾
我來醉卧北牕下
夢跨黃鵠天風寒

僧蓮松檜圖歌

書遂昌山人
鄭明德序後

明王逢

蓮公畫稱東吳精
草蔓花房未嘗寫
森張意象亭亭表

輒有神人助揮灑常州貌得劒井松劒氣曠溫相鬱葱
膏流節離禍幸免至今顏色青於銅孔廟之檜尤碑砢
地媼所守龍所窟欒柯落陰根走石疑是忠臣舊埋骨
松兮檜兮豈偶然陵霜轢雪兵燹年箭痕刀瘢盡駁裂
用命欲挂將崩天王姚憑城親被堅身殲城破百代傳
無人上請配張許日夜二物風雷纏鄭君鄭君古君子
此文此畫良有以我題短章非闕靡用弔忠魂附遺史
吁嗟烈士長已矣

題楊補之松檜圖

明程敏政

五松已受秦封辱六檜復被秦名污參天直幹尚如此
二雛已滅隨煙蕪大夫偽號若芻狗處士雄心射牛斗
眼前便覺風雨來耳畔疑聞蟄龍吼良工此圖筆意精
王孫一購千金輕恨無大手如子美為賦成都古柏行
題松圖

明張鳳翼

雲松自是徂徠樹霜色猶存彭澤花莫道西風便蕭瑟
秋容偏在野人家

徽廟古松山鵲

明金幼孜

松梢盤擎出巖壑一夕山風吹子落幾迴度澗聽松聲
橫枝忽見飛來鵲翠衿紅紫一何奇誤疑青鳥降瑤池
根深茯苓不見斲王母羽蓋今何之宣和宮中迹如埽
胡沙漠漠天地老莫向松間占鵲聲五國城荒長芳草

題趙希遠畫蟠松玉兔圖

子昂趙明公鑑記

明僧大圭

天水王孫重毫素愛寫蟠根萬年樹上有徂徠五色雲
下有中山雙白兔清陰散作秋滿林咫尺高堂起煙霧

丹桂吹香野菊黃
玉葉金枝亂無數
迢迢錦水泛蒼鳬
漠漠青天飛雪鷺
人間畫手非不多
自是王孫得真趣
浮玉山人列仙侶
雅與王孫同出處
妙畫題來字字真
兵後收藏乃奇遇
宣和遺譜世莫傳
艮岳荒涼風景暮
眼中人事已非前
畫裏江山尚如故
老我披圖一愴然
落日長歌弔南渡

寄畫松僧

唐王 建

天香寺裏古松僧
不畫枯松落石層
最愛臨江兩三樹

水禽棲處解無藤

題壽老人松年圖

元張憲

我昔湖上看眠松
蟠屈蒼龍陰十畝
青天晝暝雷雨黑
白日猶疑鬼神守
却憶僧前如雨落
春雨新秧不盈握
如今合抱復蔽牛
偃蹇輪囷卧丘壑
松下老僧金骨仙
親手種松忘歲年
倒持一尺白鸞尾
拄頰聽風當晝眠
茯苓作粥粉作餅
千斛松醪供醕酏
不用飛丹駐玉顏
前身自是陶弘景

三友圖

元劉永之

冰髯玉節間苔枝瘦影參差落墨池最憶山陰殘雪裏
西牕相對鬢如絲

歲寒圖

明解縉

羣芳搖落盡凋殘惟有孤根耐歲寒為道滄洲深雪裏
獨留蒼翠與君看

歲寒三友圖

明吳寬

檜生巖壑裏凜然歲寒姿衆卉豈不好貞心少相知南

望庾山麓北瞻淇水湄氣味雖脗合猶恨道遠而生綃
纔盈丈一旦聚於斯匪藉縮地術良工親手移能事出
腕脂託物由心思邪人多黨與蔓草難芟夷正士每特
立嘉樹不附麗時或倒置之山苗反離離維此一堂上
霜雪同襟期聊因草木類竊比唐虞時后稷既在位繼
以契與夔紛紛共鯨輩末路將何為

歲寒三友圖

明許繼

孤標鬱深翠勁節挺寒綠復此雪後花娟娟瑩如玉風

霜慘陽林冰霰沍陰谷枯悴紛相藉於茲見高躅貞心
諒已同盟好在幽獨轉念繁華姿中道何反覆

三友圖

明
朱經

冰雪淡相看心期許歲寒莫同桃李伴容易及春殘

皇甫松竹梅圖

元
張伯淳

三友亭亭歲晚時政緣冷澹易相知何須近舍今皇甫
却向圖中覓補之

松竹梅

明
徐渭

朱碧嬌啼二月鶯却都輸與此三君若添明月孤來鶴
踏亂松尖一片雲

霜林晚節圖

明周旅

朔風何蕭蕭嚴霜亦皓皓維此歲載陰羣芳盡枯槁
彼貞堅姿幽寂能自保春風桃李花樹下薜蘿草紛紛
競顏色媚此一時好

乞荆浩畫

唐僧淨顯

六幅故牢健知君恣筆蹤不求千澗水只要兩株松樹

下留盤石天邊蹤遠峰近巖幽濕處惟藉墨煙濃

題金陵陳時舉宅畫壁

元謝應芳

雙松歲寒姿卷石太古色我昔山中遊憩此松下石松
花雪霏霏松葉風瑟瑟安知此情景相對復今日撐空
兩髯龍還在書中室主人罷鳴琴晏坐室生白客來苦
炎熱倚樹欲挂幘不聞天籟鳴但見空翠滴煩襟頓如
洗林壑幽興適經月數相過明朝有行役黃埃赤日中
令人轉相憶

題吳祠部畫

明董其昌

居然張璪偃松圖一一潛虬若可呼為問寒林風謖謖
何如千樹在玄都



御定歷代題畫詩類卷七十二

欽定四庫全書

集部

御定歷代題畫詩類卷七十三至五

詳校官侍郎_臣李 封

主事銜_臣徐以坤覆勘

總校官降調編修_臣倉 聖 脉

校對官編修_臣繆 晉

謄錄監生_臣吳德潤

欽定四庫全書

御定歷代題畫詩類卷七十三目錄

樹石類

題畫柏

唐吳融

黃華畫古柏

金密公璘

題李遵道畫古柏

元張天英

竹齋學士作柏圖

元黃玠

禹柏圖

元程鉅夫

韓吉父座上觀漢陽大別山禹柏圖

元吳萊

禹柏圖

元吳師道

雙柏圖

元陳樵

題東坡畫古柏怪石圖

金趙秉文三首

柏石圖

宋蘇軾

題巨然泉巖老柏圖

金趙秉文

題畫

明董其昌

八檜圖

宋王令

畫檜

元虞集

題華氏瑞檜圖

明高啓

題老檜圖

明姚廣孝

題白石翁畫虞山古檜

明張淵

題王學士所藏王孟端老檜蒼崖圖

明曾榮

題沈啓南畫虞山致道觀昭明手植三檜初名七星

檜

明王世貞

古杉行

元傅若金

跋理宗題馬麟畫折枝木犀圖 元王惲

題曹雲西桂根圖 元黃玠

題江亭柳色圖 元丁鶴年

題吳宮衰柳圖 明袁凱

題便面畫新柳 明李日華

倣倪迂河橋新柳 明李日華

題畫柳 明董其昌

題自畫梧石 元唐肅

題梧石

明劉崧

題浦人畫梧桐竹石

明程本立

題梧竹奇石圖

明桑悅

題浦舍人梧竹圖

明趙迪

畫樹後呈濬師

唐劉商

于祕校示郊園棠木連理圖偶題長句

宋劉叔賢

畫樹

元馬祖常

題惠崇畫樹林

元馬祖常

題初士元所畫雙樹圖

元釋良琦

題陳大宅方壺子層層雲樹圖

明周玄

百樹送青六景

明魏時敏

癸亥五月寫江干七樹

明李日華

陳仲美夏木圖

明張羽

祝孝友作枕屏小景以霜餘茂樹名之因題此詩

宋朱子

許道寧寒溪古木圖

元元好問

海岸古木圖

元王惲

畫古木

元馬祖常

題畫古木

元虞集

畫古木

元虞集

商德符畫幽篁古木

元虞集

王晉卿古木

元楊載

題王若水為仙都宮主趙虛一畫蒼厓古木圖

元

柳貫

題山莊所藏東坡畫古木圖

元歐陽玄

奉題達兼善御史壁間劉伯希所畫古木圖

元傅

若金

題趙仲穆怪石奇木

元張翥

息齋竹石古木

元張翥

題怪木圖

元貢師泰

鄭禧之古木圖

元鄭元祐

夜作古木怪石因題

元倪瓚

為何彥修題縣厓古木圖

元劉永之

題古木幽篁圖

元劉永之

雲林古木

元唐肅

題郭天錫畫古木

元張天英

畫古木幽篁

元丁鶴年

怪木竹石圖

明施敬

古木寒藤圖

明沈周

郭熙畫木

元虞集

御定歷代題畫詩類卷七十三目錄

欽定四庫全書

御定歷代題畫詩類卷七十三

樹石類

題畫柏

唐

吳融

不得月中桂轉思陵上柏閒取畫圖看煩紆果冰釋桂
生在青冥萬古煙霧隔下蔭玄兔窟上映嫦娥魄圓缺
且不當高低圖難測若非假羽翰折攀何由得天遠眼
虛穿夜闌頭自白未知陵上柏一定不移易有意兼松

茂無情從麝食不在是非間與人為憤激他年上縑素
今日懸屋壁靈怪不可知風雨疑來逼明朝歸故園唯
此同所適回音寄團枝無勞惠消息

黃華畫古柏

金
密公璫

黃華老人畫古柏鐵簡將軍挽大弔意足不求顏色似

荔枝風味配江瑤

鐵簡萬戶以
神射名天下

題李遵道畫古柏

元
張天英

古柏亭亭一虎臣風雲長繞臥龍身石根霜幹心如鐵

欲向曹瞞埽戰塵

竹齋學士作柏圖

得之李好古野齋平章舊物也

元

黃玠

薊丘學士仙人詞翰揮毫有餘力清風披拂盡琅玕
日費尚方三斗墨昔年乘傳向蠻邦修竹如雲楚山夕
却迴官舸過湘中江雨推篷寫寒碧遠勢聯翩數十枝
顛倒縱橫鳳鸞翼天機到處物變盡雲影紛紛灑人黑
想見走筆如飛龍山木水蘿俱辟易不辭遺蹟購千金
此卷於今妙無敵

禹柏圖

元程鉅夫

我昔觀風江漢域大別寺中觀古柏皮空骨立二十尺
扣之鏗然若金石雙龍盤拏爪角怒白晝歛恐風雷黑
小枝旁出勢蜿蜒復似游龍顧深澤蒼蒼數葉森北向
貞心不受螻蟻蝕我時見此獨驚怪僧言相傳禹所植
別來夢寐常髣髴恨不圖之堂上壁安南國王住漢陽
府中好事黎侯崩皇慶元年同入覲忽持墨本來相覓
開緘蕭蕭朔風起半幅生綃萬鈞力恰如大禹䟽鑿時

天斧雷礪鬼神役自言得之寺僧手寺僧得之故侯宅
舊本模糊鎖暗塵上有東坡手題墨臨摹欲遣天下知
國王命我來索詩此柏會有摧朽日此卷豈有消磨時
我聞此語坐太息神禹至今幾興衰人間老樹亦無數
此樹應以人而奇門前馬鳴君欲歸黃雲東去浮雲西
歸語山僧謹護持莫令此柏凌空飛

韓吉父座上觀漢陽大別山禹柏圖

元
吳萊

大別名山如伏龍大別古柏如立猿舊聞夏后手所植
直軋南國無蓬蒿洪水曾當洛洞極聖躬乃此胼胝勞
乘舟荆衡地可盡作貢雲夢天爭高一時栽樹託所厯
千載摩撫翳其遭本根盤拏屹鼎肩枝葉挺拔森旌旄
礙日吟風聳楚阻欺霜傲雪塵秦饗夜行夏首影弄月
曉曦鄂渚聲吹濤信哉冥靈欲等壽材比楨幹終稱豪
屏除緇翳虎豹泣鎮斷夔魍蛟龍逃匠石徘徊却喪斧
篙工睥睨寧維舫吾知嘉木辨爾雅但惜芳草遺離騷

平生環轍苦未到幸此畫筆何從操豈非神明護正直
使在方漢雄城壕樓桑出牆尚久特巨櫟蔽社猶堅牢
惟茲所重有聖德坐見餘物真秋毫自來劉李富宮室
命下荆蜀刮土毛一榮一枯驗世道勿剪勿伐臨江皋
穆滿蒼茫黃竹詠重華慘澹蒼梧號茫然萬古萬萬古
西望嘆息同霑袍

禹柏圖

元
吳師道

柏貢荊州任土風漢陽遺樹尚葱蘢休誇此是曾親植

四海青青盡禹功

雙柏圖

元
陳樵

亭亭山上柏柯幹如青銅
蒼古拔俗姿肯作兒女容
風霜日搖落萬木為之空
爾獨不見摧屹立如老翁
乃知歸根妙生意恒內融
願乘雷雨興化作雙飛龍

題東坡畫古柏怪石圖

三首

金
趙秉文

荒山老柏枿擁腫相伴醜
石反成妍有人披圖笑
頷似不材如我終天年

人生散材如散木
槁死深山病益奇
放出參天二千尺
安用荒藤纏繞為

東坡戲墨作樹石筆勢海上驅風濤
畫師所難公所易
未必此圖如此高

柏石圖

并序

宋
蘇軾

陳公弼家藏柏石圖其子慥季常傳寶之東坡居士
作詩以為之銘

柏生兩石間天命本如此雖云生之艱與石相終始韓

子俯仰人但愛平地美土膏雜糞壤成壤幾何耳君看
此槎枒豈有可移理蒼龍轉玉骨黑虎抱金柅畫師亦
可人使我毛髮起當年落筆意正欲譏韓子

題巨然泉巖老柏圖

金趙秉文

雪巖森危有老柏幾度寒泉漱秋月氣凌層空白日寒
根貫斷崖蒼石裂奔騰逝水送流光剝落古苔封老節
明堂未作棟梁材潦倒風霜半無葉何人曾次富泉石
巨然袖中董元筆崖傾岸絕無人見夜半移舟真有力

賢侯筆力今曹植氣象參天二千尺為迴筆力挽萬牛
頓覺煙嵐少顏色

題畫

明

董其昌

雪柏霜松不記年從教千尺鬱參天過來灌莽丰茸甚
畫史難迴造化權

八檜圖

宋

王令

客有要我八檜吟手攜八檜圖來縣挂張滿壁揚可駭
盼顧左右同嗟嘆旁摹石刻署名狀各有憑附相賁緣

或高相扶互倚礙或斷欲蹙猶支顛強枝拗回信有力
高幹復俯蛟蚪拳尋根及株逮條蘖例不拔直皆旁偏
雷疲風休雲雨去蛇龍鬪死猶鉤纏安分爪角與尾鬣
徒見上下相蜿蜒不知生時竟何謂略不參類常木然
宜乎今古惑昧者搖擺舌吻歸之仙一尤盤拳老高大
傳云聃老由飛躑當時駕鹿躡以上跡有町疇遺相連
多應蜴殘鳥喙喙不爾誕者強鑱鐫聃能惑人已自幸
豈此上去能欺天借如聃功可升躍鹿亦何幸飛相聯

於中一本特甚異膚革逆理紐左旋傳云聃手所自樹
我知此語定鑿穿苟今實為聃老植推以天意猶可言
當年曷不紐以右若曰世為左道牽如何衆輒不省究
反重神怪令聃專乾坤中含萬品彙此獨自異誰舍旃
窮思竟慮莫可索欲世不惑誰能奪仙書虛荒喜誕妄
推說事理尤綿延世人一讀即化變日望飛奮相迷癡
豈非此木久樹此浸漬亦為異說遷故其形植與生死
時以異怪招驚憐先時世不蚤斤斧放其老大訛誇傳

當年同生好材幹半以直伐成燒燃憑妖附誕相樹立
卒自死活終完全葉枝凋疎不有蔭材直弗枉曲莫輟
不知留存護養者竟以何理惜不捐我有尺鐵大剛利
久已鑄斧磨山巔卒無柯柄尚棄置懶乞月桂求嬋娟

畫檜

元

虞集

茅山多古樹此檜更長生鶴鶴棲來穩蛟龍化得成雲
深還近戶月落似聞笙千載如相見蒼然故舊情

題華氏瑞檜圖

明

高啓

誰指牛眠處江山地最靈氣鍾孤檜碧祥表五芝青影
動春雲亂香敷曉露零知君家種德曾讀墓前銘

題老檜圖

明
姚廣孝

盤盤鬱蚪枝陰陰墜虹渚欲共水邊人時來聽風雨

題白石翁畫虞山古檜

明
張淵

虞山老檜三株青斗壇半掩招搖星道人丹成化鶴去
三檜天矯飛龍形是誰手植經千載曾見昭明讀書在
幾迴天上葬神仙不獨人間變桑海古人今人繞樹行

古今人去樹長生乃知勁氣合元化不與凡木爭枯榮
長洲老石好異者百里攜杯遊樹下浩嗟天下有樹如
此無我去此樹何人圖三日經營雙眼力滿空蒼翠移
真跡鶴骨蚪筋左紐文雷裂霜皴古秋色日暮袖歸歸
不得滿山風雨山靈惜居然贈與卧雲人長嘯寒風生
石壁於乎石君詩畫天下知此筆尤為天下奇勸君風
雷當掩戶恐化蛟龍擘雲去

題王學士所藏王孟端老檜蒼崖圖

明

曾 榮

王郎工畫妙入神平生強項世所嗔有時興至自盤礴
睥睨已喜傍無人忽然放筆作古檜白日煙雲倏暝晦
淋漓盡帶雷雨垂慘淡長疑鬼神會古藤纏絡枝相繆
屈鐵礫砢騰蛟蚪左拏右攫飛不去崖石欲裂山精愁
王郎一生何不遇五十得官嗟已暮胃中時吐氣崢嶸
半落蒼厓化為樹知君愛此長蕭森藏之願比雙南金
秋來恐有乘槎客泛入天河無處尋

題沈啓南畫廬山致道觀昭明手植三檜初名七

星檜

明
王世貞

白雲團廬山有七蒼蚪舞云當梁初代昭明讀書所幸
托乾坤庇實飽冰霜苦其四托孤鴟帝遣六丁取存類
矍圃三去殺秦封五宋人雅好事往往為之補頽頽若
昆季厥始實孫祖隆準理固當小巫氣終阻昨余游真
宮脫冠憩其下日落長風來颯然精靈語及乎微月上
修鱗森欲吐沈翁長康流為檜傳世譜不欲令漢傑輕

與噲等五尺楮移秋山真宰在阿堵蓬牕一展看森陰
洗煩暑何必稱七星三星亦自古

古杉行

題陳兵曹所藏李遵道畫靈隱道中二杉圖

元

傅若金

靈隱道中古杉樹上與雲霧相膠葛李侯一見為寫真
霜雪蕭蕭起毫末此杉蒼茫數百年鬼物扶持人所憐
貞心豈容螻蟻蝕老幹或有蛟龍纏山林萬里那得致
見者皆驚棟梁器暗壁尋常度雨聲晴窗彷彿生秋氣
吾聞大厦衆力持此杉誰能久棄之君不見道邊不材

木擁腫百圍安所施

跋理宗題馬麟畫折枝木犀圖

元王惲

花中神品趙昌師又向臣麟見折枝不惜一天風露潤
百杯樓晚要新詩

題曹雲西桂根圖

元黃玠

何人操玉斧夜半緣青冥斫去月中樹千秋傷我情無
根亦云已有根當復生但笑吳剛者負此不義名

題江亭柳色圖

元丁鶴年

昔年醺酒池江漢一茅亭同會人何在東風柳又青

題吳宮衰柳圖

明
袁凱

遠岼依依落日明吳王醉處少人行多情獨有垂楊樹
猶送深宮夜雨聲

題便面畫新柳

明
李日華

雪消野水半融泥凍柳森森態未齊昨夜一番春雨好
淡黃金色滿湖堤

倣倪迂河橋新柳

明
李日華

河上柳枝黃未勻綠波汙汙沙草春孤煙一聚遙山下
知有憑高送目人

題畫柳

明

董其昌

摸索芳菲度畫檐煙絲嫋嫋雨氍毹幽人無復靈和夢
太守風流自漢南

題自畫梧石

元

唐肅

縹緲未央闕角淒清長信宮門人起轆轤聲裏月在梧
桐石根

題梧石

明
劉崧

鳴琴罷瑤席鶴夢清宵警涼月下前除照見梧桐影

題浦人畫梧桐竹石

明
程本立

錦石成山花滿川子孫一旦鬻平泉疎篁古樹蒼厓雪
茆屋看來已百年

題梧竹奇石圖

明
桑悅

琴瑟未斲先具形簫管未截終完聲天將碧玉為寸莛
拊擊翠石石亦鳴分明一部真韶樂彩鳳能招下寥廓

古音不復將何如請君看此韶樂圖

題浦舍人梧竹圖

明趙迪

吾懷出塵想飛思凌滄洲湘江夜來雨寒色川上浮涼
飄金井夕露滴銀塘秋故人隔千里對此空離憂

畫樹後呈濬師

唐劉商

翔鳳邊風十月寒蒼山古木更摧殘為君壁上畫松栢
勁雪嚴霜君試看

于祕校示郊園棠木連理圖偶題長句

宋

劉叔巖

昨得評圖與賦詩
野棠并幹上交枝
始疑和氣偏回復
可是常情悅附離
愛樹去思吾豈敢
高門陰德子應知
濟南固有終軍辯
傳布仍煩老畫師

畫樹

元

馬祖常

寒槎偃蹇風雨攻
蟄龍齧雲礪石根
戰壘防秋鹿角柵
長筏浮江下蜀門
憶昔馳射古楚原
夜觀野火燒楓林
高堂醉酒看畫幅
樛枝薜蘿牽我心

題惠崇畫樹林

元
馬祖常

下瀨生秋響平林漏曙光蜀橙陰十畝閨荔熟千房不
聽樵夫伐無勞匠石傷靈槎上天漢全棟架明堂黯黯
雲垂幔淋淋雨濕牆鴈奴呼伴審鳩婦擇棲詳路遠逢
仙宅天低近帝鄉春行苔履滑夕坐筍書香東絹刀誰
剪西園價爾償懸車清渭後白髮灑蒼涼

題初士元所畫雙樹圖

元
釋良琦

梁溪溪上曉揚舲吳人竹枝自可聽不得回船繫厓石

寺門松樹為誰青

題陳大宅方壺子層層雲樹圖

明

周玄

昔年曾記秦川客
雲樹參差去欲迷
日暮孤舟行不盡
鷓鴣啼過渭城西

百樹送青六景

為鄭侍御題

明

魏時敏

石罅無樵採
春深剝綠苔
孤雲將暝去
羣樹送青來
晴靄琴書潤
陰森鳥雀回
醉吟看不厭
何處有蓬萊

癸亥五月寫江干七樹

明

李日華

蕭疎交遠波厯落無行次未論材不材偃蹇各自恣

陳仲美夏木圖

明
張羽

董元夏木不復見俗本紛紛何足觀陳郎筆力能扛鼎
寫此千章生畫寒陰森似有神靈會偃蹇直作蛟螭蟠
天雞曉鳴清籟發木客夜度雲旂翻林下丈人行杖藜
石根葉落失舊蹊孤童襍被向誰宿山風蕭蕭日薄西
商巖紫芝自可食武陵桃花原易迷人間瀕洞不可處
莫畏虎嘯并猿啼

祝孝友作枕屏小景以霜餘茂樹名之因題此詩

宋
朱子

山寒夕颺急木落洞庭波幾疊雲屏好一生秋夢多

許道寧寒溪古木圖

元
元好問

道人醉袖蟠蛟龍埽出古木牙須雄開卷颯颯來陰風
翟卿論畫凡馬空能知畫與詩同宗解衣盤礴非衆工
遺山筆頭有關全意匠已在風雲中留待他日不匆匆

海岸古木圖

元
王惲

古木螭蟠鬱有華輪困竒崛欲誰誇何年海藏龍宮使
推出秋風八月槎

畫古木

元
馬祖常

桑空河上生賢相楓老山中化羽人未借九闕當地軸
還曾八月上天津雷燒桐尾琴材古玉刻龍形劒具新
雨蝕蒼皮苔護石泉春玉乳月翻輪東隄楊柳春煙暖
西浦芙蓉曉露勻偃蹇孤根巖壑氣我知槭樸不為薪

題畫古木

元
虞集

高秋木落洞庭空岳陽城南多晚風蛟龍夜護玉壇古
劍影長留明月中

畫古木

元

虞集

荒郊卧蒼苔蛟龍在其上不知風雨來垂影一千丈後
主撥鐙法江南久寂寥空令沒骨畫容易媚中朝

商德符畫幽篁古木

元

虞集

湘君宮在洞庭湖幽篁古木龍所都石壇雨長碧苔蘚
水屋風動青珊瑚老人欹枕看螻蟻嫠婦停舟聽鷓鴣

江南蜀道問來往商公商公今有無

王晉卿古木

元
楊載

走根坼裂石曲榦漸清漣雷電忌交作化龍起重淵

題王若水為仙都宮主趙虛一畫蒼厓古木圖

元
柳貫

金門羽客住仙都玉立蒼宮五大夫微月滿空笙鶴下

一林秋影散龍胡

題山莊所藏東坡畫古木圖

元
歐陽玄

眉山昔日生三蘇一山草木為之枯後來筆端挾春腴
却令生意回枯株樹經公筆無老醜天以春工付公手
誰云筆衍龍眠翁奚必法嗣洋州守山莊劉氏富清玩
家有蘇公舊揮翰恍驚濕蘚粘怪石慣見倒根生斷岨
涪翁對此煮春茶為公梢上挂長蛇燈窗細讀假山記
秀氣終屬眉山家

奉題達兼善御史壁間劉伯希所畫古木圖

元
傅若金

遠樹含幽姿近樹亦古色水傍嘗見畫不得乃在君家
中堂之素壁青林寂寞行人窈白澗微茫斷煙隔入門
蕭蕭雲氣生落日便恐歸禽爭耳後颼爽寒風聲知君
夜眠愁雨黑留客晝坐宜秋清劉侯學李成畫手稱獨
步時見作古松盤屈百怪聚一作任
形勢中林一株直且良
安得劉侯寫其趣一作安得揮
毫縱奇氣

題趙仲穆怪石奇木

張翥

君不見岳陽城南老樹能化人又不見草中巨石如卧

虎樹逢仙客授還丹石誤將軍箭飛羽海寧太守提健
筆與丹通靈箭角力山精木魅寒暄嗚千年醜怪匿不
得樹瘤半裂雷火出隱入雲綃露竒跡猝然一見心膽
驚氣盡畫工俱辟易挂之高堂風動搖古色一片秋蕭
蕭待侯硯池卷東海歸寫扶桑與沃焦

息齋竹石古木

為會稽韓
李博士題

元
張翥

老竹葉稀多禿枝新竹碧潤含幽姿籜中龍子振春蟄
突出雷雨頭參差傍蹲怪石石罅裂裂處恍惚疑龍穴

山中有樹皆十圍活幹撐青死槎折霜皮蝕盡乾
蘇文半頂斬立雙極分最後一枝身出羣垂枝
倒走陰崖雲李侯標致不可得小字親題別塗
黑縱橫不在摩詰下蕭爽直與洋州敵玉堂學
士欣見之濃墨大書真崛竒森然一片鐵石筆
妙甚七字瓊瑰詞此詩此畫今兩絕把翫微風
動毛髮只應真宰泣琬鍤一夜山窗冷秋月

題怪木圖

元
貢師泰

千年老樹化青牛風雨空山不盡愁一日爭迎作神主

踏歌槌鼓水西頭

鄭禧之古木圖

元
鄭元祐

吾宗有子擅風流履行只如陳太丘復向仇池寫林薄
六月陰森如凜秋前修凋零吾亦老落日孤雲生晚愁

夜作古木怪石因題

元
倪瓚

夜遊西園渚初月光炯炯徙倚巖石下愛此林木影

為何彥修題縣厓古木圖

元
劉永之

古木蒼蒼帶女蘿峰陰斜蘸石潭波十年不到屏風疊

夜雨茅檐幽夢多

題古木幽篁圖

元
劉永之

近者天下寫竹枝息齋子昂最奇絕金釵折股錐畫沙
直以高情寄豪墨後來小李用家法更覺縱橫脫羈勒
御榻屏風或詔寫流落人間豈多得我家真蹟兼數公
錦囊玉軸複壁中舊宅荒涼經戰伐故物多隨煙燼空
此圖尋丈小李作位置頗殊標格同半身古樹色蒼潤
簣簣因依相澹濃長林無人秋氣入蜿蜒蛇蛟起幽蟄

蟪蛄垂絲晝陰靜老鶴矜羽昏雨集黃陵廟前湘水深
捐玦江皋思俯拾浮槎尋源溯空闊折旌低渡玄雲濕
何郎兄弟最好竒愛此不減珊瑚枝幽居正在蘭峰下
亦有喬木當牕扉共展長圖幽興發六月涼颼生葛衣
還君珍襲增歎息他日重看覓舊題

雲林古木

元
唐肅

石上清陰走怒螭一身都著薜蘿衣若為借得靈槎坐
去訪銀河織女機

題郭天錫畫古木

元 張天英

木落空山憶五君
髯虬飛影拂玄雲
幾夜煙蘿月中立
醉歌如見郭將軍

畫古木幽篁

元 丁鶴年

石海珊瑚樹
清湘翡翠毛
無因將寄遠
日暮寸心勞

怪木竹石圖

明 施敬

大星墜地光如日
一夜海風吹作石
精衛魂驚不敢窺
留待媧皇補天極
石傍老樹枯槎枒
古藤屈曲懸修蛇

鷓鴣踏翻黃竹葉翡翠啄破蒼苔花千年醜怪何人識
老剛胃次真奇特興來掀倒墨池波鬼跡神踪不能匿
生絹颼颼搖秋思古色慘淡寒無姿天吳拔斷蛟龍尾
月露洗出珊瑚枝張公好古耽清賞狂客題詩真技癢
冥驅萬象入毫端便覺簫韶畫中響琅玕有實石可棲
赤霄靈翮來何遲按圖為君三歎息雷雨打門風捲席

古木寒藤圖

明

沈周

古木迸石出脫葉如魚生羣篠自西風何以荅秋聲蒼

藤載束縛恐因雷雨行我詩向而書誓與同老成

郭熙畫木

元虞集

江南喬木已無多誰畫參天鐵石柯記得玉堂春畫永
寒林坐對老東坡

御定歷代題畫詩類卷七十三